

**Mensajen Natal tinan 2002**  
**Reprezentante Espesial Sekretáriu Jeral Nasoens Unidas nian**

Tempu Natal nudar tempu ba haksolok, selebrasaun no renovasaun espirital nian. Tempu ne'e mos nudar okaziaun ida atu refleta kona ba suksesu tinan kotuk nian no hateke ba futuro. Tinan ida ne'e nudar tinan ida maka partikularmente signifikante ba povu Timor-Leste: primeira vez sira sei selebra festa ne'e hanesan nasaun ida maka independente lolos no livre. Hau kongratula sira hotu, no fó garantia ba sira kona ba parseria no solidaridade UNMISSET nian, fundu Nasoens Unidas nian, programa no ajensia sira iha sira nia esforsu nasional atu kria nasaun ida maka prósperu, progresivu, estável no demokrátiku.

Independensia nudar primeiru pasu iha viajen ida maka susar no naruk ba dame no prosperiedade. Tentativa, sofrimentu sei mosu no tenki ultrapasa dezafiu sira maka mosu. Hau iha konfiansa katak ho orientasaun maka sábiu lideransa Timor-Leste nian, no mos suporte maka kontinua hosi comunidade internasional, povu Timor-Leste sei harii ba sira nia an rasik sosiedade ida maka iha kompaixaun, bazeia ba estadu direitu nian no mos bazeia ba iha promosaun no proteksaun direitus humanus, sosiedade ida maka dedika ba progresu sosial no prosperiedade nebe sira buka atu hetan. Hau iha konfiansa ho sira nia suksesu ba sira nia esforsu.

UNMISSET oras ne'e ezisti durante fulan hitu nia laran, no progresu pozitivu balu hetan tiha ona durante periudu ida ne'e. Ita agora tenki hala'o esforsu atu konsolida no harii iha pasu pozitivu hirak ne'e wainhira ita hakat ba faze seluk misaun ida ne'e nian. Hau hato'o obrigadu ba ekipa UNMISSET nian ba suporte jenuínu nebe sira hato'o ba misaun ida ne'e, no mos povu Timor-Leste maka korajozu no valente tamba sira nia koperasaun no assistensia ba ita hotu.

Hau partikularmente agradesidu ba koperasaun Governu Timor-Leste nian no mos asesu nebe sira hato'o mai hau bebeik, no partikularmente ba Primeiru Ministru maka hau hasoru regularmente ho ninia konkordansia, nebe hamosu diferensa ba qualidade koperasaun entre Governu Timor-Leste ho Nasoens Unidas.

Hau hato'o ba imi hotu ksolok kmanek iha festa Natal ida ne'e, no tinan 2003 ida maka prosperu no murak.

Maromak hamutuk ho imi.

**Kamalesh Sharma,**  
Reprezentante Espesial Sekretáriu Jeral Nasoens Unidas nian